



**ZAPISNIK O RADU 24. SJEDNICE  
KOLEGIJA GRADSKOG VIJEĆA GRADA SARAJEVA**  
održane 04.04.2018. godine

Broj: 01-GV-02-462/18

Datum: 04.04.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Miro Lazović, predsjedavajući Kluba gradskih vijećnika SDP-a
5. Sanela Holjan, zamjenica predsjedavajuće Kluba gradskih vijećnika SBB
6. Mr. Vibor Handžić, predsjedavajući Kluba gradskih vijećnika Naše stranke
7. Mr. Sead Srna, predsjedavajući Kluba gradskih vijećnika "ASA"
8. Snežana Omukić, zamjenica predsjedavajuće Kluba gradskih vijećnika DF
9. Nuko Grebović, zamjenik predsjedavajućeg Kluba gradskih vijećnika GRAĐANSKI SAVEZ – SAVEZ ZA STARI GRAD
10. Bajro Biber, predsjedavajući Kluba gradskih vijećnika BOSS – USD
11. Srđan Srdić, predsjedavajući Kluba samostalnih gradskih vijećnika Srdić – Stojnić
12. Safet Krajišnik, sekretar Gradskog vijeća

Odsutan: Prof. dr. Velija Katica, predsjedavajući Kluba gradskih vijećnika SDA

Sjednici je prisustvovala po ovlaštenju Gradonačelnika Maja Hadžihalilović, rukovodilac Stručne službe Gradonačelnika te Amina Deljković, pomoćnik Gradonačelnika za obrazovanje, kulturu i sport.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, jednoglasno je usvojen Zapisnik o radu 23. sjednice Kolegija Gradskog vijeća Grada Sarajeva.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 15. sjednice Gradskog vijeća Grada Sarajeva
2. Priprema za održavanje Svečane sjednice Gradskog vijeća Grada Sarajeva u povodu Dana Grada Sarajeva
3. Tekuća pitanja

**Ad 1)**

**a. Termin održavanja sjednice i dinamika aktivnosti u pripremi sjednice Gradskog vijeća**

Poslije rasprave i sažetka Predsjedavajućeg, konstatirano je, odnosno zaključeno sljedeće.

- 15. sjednica Gradskog vijeća će se održati 25.04.2018. godine.
- Predlagači će prijedloge sa materijalima za razmatranje na 15. sjednici dostaviti Predsjedavajućem najkasnije u ponedjeljak - 09. aprila.
- Sjednice radnih tijela u pripremi 15. sjednice Gradskog vijeća održat će se u srijedu i četvrtak 11. i 12.04.2018. godine.
- Pozivi gradskim vijećnicima za 15. sjednicu Gradskog vijeća uputit će se u utorak 17.04.2018. godine.

## Ad 2)

### b) *Praćenje realizacije Programa rada Gradskog vijeća Grada Sarajeva*

Poslije rasprave i sažetka Predsjedavajućeg, konstatirano je, odnosno zaključeno sljedeće.

Nacrt Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“, programiran za razmatranje u aprilu mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 15. sjednice Gradskog vijeća, uz obrazloženje Gradonačelnika (vezano za zaštitu koridora auto ceste Vc) dostavljeno Predsjedavajućem Gradskog vijeća u pisanoj formi, a koje se arhivira uz prilog ovom zapisniku.

\*\*\*

Elaborat o izradi slobodnostojećih reklamnih panoa i slobodnostojećih displeja na javnim površinama, programiran za razmatranje u aprilu mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 15. sjednice Gradskog vijeća, uz obrazloženje Gradonačelnika (vezano za usaglašavanje sa Direkcijom za puteve Kantona Sarajevo) dostavljeno Predsjedavajućem Gradskog vijeća u pisanoj formi, a koje se arhivira uz prilog ovom zapisniku.

\*\*\*

Izvještaj o aktivnostima na realizaciji projekta Revitalizacija „Trebevičke žičare“, programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 15. sjednice Gradskog vijeća.

\*\*\*

Izvještaj o preduzetim aktivnostima i toku priprema za održavanje EYOF 2019. godine, programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 15. sjednice Gradskog vijeća.

\*\*\*

Izvještaj o kulturnim manifestacijama od posebnog interesa za Grad Sarajevo u 2017. godini, programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 15. sjednice Gradskog vijeća.

\*\*\*

Izvještaj o realizaciji Programa stipendiranja učenika srednjih škola za školsku 2017/2018. godinu, programiran za razmatranje u aprilu mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 15. sjednice Gradskog vijeća, uz usmeno obrazloženje Gradonačelnika i informaciju da će se Izvještaj podnijeti za sljedeću, majsku sjednicu Gradskog vijeća.

\*\*\*

Izvještaj o radu i poslovanju JP „Sarajevo“, d.o.o., programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 15. sjednice Gradskog vijeća.

\*\*\*

Izvještaj o radu i poslovanju JP „Olimpijski bazen Otoka“, d.o.o., programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 15. sjednice Gradskog vijeća.

### c) *Obaveze od ranije*

Prema informaciji Gradonačelnika i dalje se odlaže razmatranje

- Prijedloga Odluke o usvajanju s Prijedlogom Odluke o provođenju Regulacionog plana „Rajlovac III“ i
- Prijedloga Odluke o usvajanju s Prijedlogom Odluke o provođenju Regulacionog plana „Vraca“, te
- Nacrt/Prijedlog Elaborata o postavljanju reklamnih panoa i drugih sadržaja uz uređena korita vodotoka iz nadležnosti Grada Sarajeva,
- Prijedloga Odluke o izmjenama i dopunama Odluke o upotrebi grba, imena i isticanju zastave Grada Sarajeva.

\*\*\*

Prijedlog Odluke o pristupanju izradi Izmjena i dopuna Regulacionog plana „Kvadratn C1-Marijin Dvor“, čije razmatranje je ranije bilo odloženo, sada spreman je te se očekuje u prijedlogu dnevnog reda 15. sjednice Gradskog vijeća.

\*\*\*

Prijedlog Odluke o izmjenama i dopunama Odluke o pristupanju izradi Regulacionog plana „Soukbunar“, čije razmatranje je ranije bilo odloženo, sada spreman je te se očekuje u prijedlogu dnevnog reda 15. sjednice Gradskog vijeća.

\*\*\*

#### d) Novi prijedlozi

Prema informacijama Gradonačelnika za razmatranje na 15. sjednici Gradskog vijeća bit će pripremljeni i sljedeći materijali:

- Prijedlog Odluke o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“, d.o.o., Sarajevo na period od tri mjeseca
- Prijedlog Odluke o izmjeni Odluke o imenovanju i davanju ovlaštenja za vršenje funkcije predsjednika i članova Skupštine javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću (JP „Sarajevo“, d.o.o.)
- Prijedlog Odluke o davanju saglasnosti na Izmjenu i dopunu broj 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo

#### e) Mogući prijedlog dnevnog reda 15. sjednice Gradskog vijeća

1. Prijedlog Odluke o davanju ovlaštenja za vršenje dužnosti predsjednika i članova Skupština Javnog preduzeća „Olimpijski bazen Otoka“, d.o.o., Sarajevo na period od tri mjeseca
2. Prijedlog Odluke o izmjeni Odluke o imenovanju i davanju ovlaštenja za vršenje funkcije predsjednika i članova Skupštine javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću (JP „Sarajevo“, d.o.o.)
3. Prijedlog Odluke o davanju saglasnosti na Izmjenu i dopunu broj 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo
4. Prijedlog Odluke o pristupanju izradi Izmjena i dopuna Regulacionog plana „Kvadratn C1-Marijin Dvor“
5. Prijedlog Odluke o izmjenama i dopunama Odluke o pristupanju izradi Regulacionog plana „Soukbunar“
6. Izvještaj o aktivnostima na realizaciji projekta Revitalizacija „Trebevičke žičare“
7. Izvještaj o preduzetim aktivnostima i toku priprema za održavanje EYOF 2019. godine
8. Izvještaj o kulturnim manifestacijama od posebnog interesa za Grad Sarajevo u 2017. godini
9. Izvještaj o radu i poslovanju JP „Sarajevo“, d.o.o.
10. Izvještaj o radu i poslovanju JP „Olimpijski bazen Otoka“, d.o.o.
11. Vijećnička pitanja i inicijative

#### **Ad 3)**

U uvodnim napomenama, Predsjedavajući Gradskog vijeća je podsjetio gradske vijećnike da su dobili pozive za svečane događaje, uključujući i Svečanu sjednicu Gradskog vijeća u povodu obilježavanja 6. aprila Dana Grada Sarajeva te da im je dostavljen i Program obilježavanja Šestog aprila Dana grada Sarajeva koji sadrži i Protokol polaganja cvijeća i odavanja počasti na lokalitetima od značaja za Grad Sarajevo 05. i 06. aprila.

Podsjetio je na dogovor da na Svečanu sjednicu gradski vijećnici dolaze najmanje pola sata ranije u salu Gradskog vijeća, iz koje zajedno silaze nekoliko minuta prije početka Svečane sjednice koja se direktno prenosi i zauzimaju svoja mjesta u holu Vijećnice, te je podsjetio članove Kolegija na dress code.

**Ad 4)**

- a.** Poslije rasprave o inicijativi gradskog vijećnika Vibora Handžića upućenoj na 14. sjednici Gradskog vijeća, da se izmjeni Program tako da se uvrste za razmatranje u redovnom postupku Odluka o sportskim manifestacijama od interesa za Grad Sarajevo i Odluka o kulturnim manifestacijama od interesa za Grad Sarajevo, konstatirano je sljedeće.

Inicijativa gradskog vijećnika Vibora Handžića upućenu na 14. sjednici Gradskog vijeća, da se izmjeni Program tako da se uvrste za razmatranje u redovnom postupku Odluka o sportskim manifestacijama od interesa za Grad Sarajevo i Odluka o kulturnim manifestacijama od interesa za Grad Sarajevo se prosljeđuje Gradonačelniku na dalje postupanje, s ciljem preispitivanja važećih propisa i predlaganja Gradskom vijeću na razmatranje izmjena i dopuna važećih, odnosno donošenja novih propisa, u redovnoj proceduri, a u rokovima tako da Gradsko vijeće, prije predlaganja Budžeta Grada Sarajeva za sljedeću godinu, donese tako predložene odluke.

- b.** Predsjedavajući je upoznao članove Kolegija da je Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo Gradskom vijeću uputila inicijativu da Gradsko vijeće, do kraja ovog mjeseca, donese pozitivnu odluku o podizanju spomenika Odredu policijske jedinice „Lasta“, te je iz zahtjeva citirao sljedeće:  
„ S obzirom da se 15. maja 2018. godine obilježava godišnjica osnivanja i značajnih datuma bitaka i jedinice Oreda lasta, to vas ovim putem molimo da do kraja mjeseca donesete pozitivnu odluku koja bi bila od značaja porodicama poginulih boraca, udruženja „Oreda lasta“ i građanima Kantona Sarajevo.“

Poslije rasprave, u kojoj je Kolegij upoznat sa procedurom koja se provodi pred Komisijom za spomenike Gradskog vijeća Grada Sarajeva, u skladu s gradskim propisom, konstatirano je da će svi angažirani u organima Grada Sarajeva poduzeti sve što je moguće da se postupak ubrza, uz konstataciju da je nerealno očekivati predlaganje ove odluke za 15. sjednicu Gradskog vijeća.

*SEKRETAR GRADSKOG VIJEĆA  
Safet Krajišnik, s.r.*

*PREDSJEDAVALJUĆI GRADSKOG VIJEĆA  
Dr. Igor Gavrić, s.r.*